



*Naomi deng Rut bale ka Betlehem*

Bagitu dong dua sampe, orang-orang yang ada di situ hebo paskali. La parampuang-parampuang Betlehem laeng bilang par laeng kata, “E! Dia tu Naomi ka?”

<sup>20</sup>Tarus Naomi bilang par dong, “Jang panggell beta Naomi<sup>e</sup> lai. Panggel beta Mara<sup>f</sup> sa. Barang, Tuhan yang pung Kuasa Paleng Basar biking beta pung hidop paleng susa paskali. <sup>21</sup>Waktu beta pi dari sini, beta pi sama-sama deng beta pung laki deng anana. Mar sakarang ni, Tuhan kasi pulang beta sandiri. Jadi, jang kamong panggell beta Naomi lai. Barang, Tuhan hukum beta. Antua yang pung Kuasa Paleng Basar tu yang biking beta hidop susa deng sangsara.”

<sup>22</sup>Jadi, itu tu carita soal Naomi pulang dari Moab sama-sama deng Rut, antua pung ana mantu. Dong dua sampe di Betlehem pas su mulai musing orang-orang pi ambe jelai.

*Jelai*

### **Rut baku dapa deng Boas**

**2:1-23**

**2**<sup>1</sup>Di kota Betlehem, Naomi pung laki Elimelek yang su mati tu ada pung famili nama Boas. Boas ni orang kaya. Orang jaga taru hormat par antua. <sup>2</sup>Satu kali bagini, Rut, parampuang Moab tu, bilang par Naomi kata, “Mama, kasi tinggal beta pi jua di orang yang pung

<sup>e</sup> 1:20 Naomi tu dalam bahasa Ibrani pung arti ‘sanang’.

<sup>f</sup> 1:20 Mara tu dalam bahasa Ibrani pung arti ‘pait’.